

subiectum traducere dicetur? id, quod
 ipsis etiã constãter, vereq; philosophãdi
 primis principijs repugnat. Traducit
 quidem formã, traducit temperiẽ, sed
 partis solius, corrupto toto. Quod, vt
 notat Mesues, appellant philosophi, se-
 parationẽ rei secũdum speciẽ, à re quæ
 est secundum materiã: quando sapã ait,
 aut syrupũ rosatũ, quibus incoctum sit
 scãmonium, nos propinare. Ergo si vul-
 gari modo paratum remediũ, totius vel
 purgandi, vel discutiẽdi, aliũdve simile
 præstandi facultate non spoliatur: quo
 iure Chymicorũ iisdem vel nõnihil di-
 uersis operãdi modis, spoliatũ dicetur?
 Infusionẽ iã præstitã Chymici, distilla-
 tionis ope corrigũt, & ὄχημα à sinceriore
 prolecti medicamẽti portione separãt.
 Nõ ergo facultatẽ demũt, sed quod inu-
 tile illius actionẽ retardare quiuerat, se-
 iungũt. Coctionẽ quidẽ nõ spernũt, sed
 extractionẽ vel distillationẽ nõnunquã
 præstantiorẽ iudicãt. Τὰ ἐψόμωνα, ait Ari-
 stoteles, nõ attrahũt ad sese humorẽ ef-
 fufum, quẽadmodũ ea, quæ in sartagine
 elixãtur: sed calor humidi externi, edu-
 cit humidũ eorũ, q̃ elixãtur. At iã educe-
 re hu-

Distillata
 potiora
 sunt de eos
 Elis.

4. Meteor.